

專著
(二)
下

吳立民 主編
上海古籍出版社

威名

文庫





威音文庫
專 著
(二)
下

吳立民 主編
香港志蓮淨苑文化部 編



上海古籍出版社



目 錄

上 冊

弁言	1
例言	7


帙第一

原始佛教觀	11
主錄一	11
賸錄一	23
主錄二	34
賸錄二	45
主錄三	75
賸錄三	112

下 冊

帙第二

佛滅後五百年之佛教觀	327
主錄一	327



• 2 • 威音文庫 • 專著

勝錄一	340
主錄二	358
勝錄二	429



教海觀瀾錄

(下)



帙 第 二

佛滅後五百年之佛教觀

主錄一

〔第一世祖大迦葉之嗣法〕 釋尊諸弟子中，大迦葉實爲上座，當其初至竹林謁佛也，釋尊嘗分座命之坐，大衆莫不驚異，釋尊爲說其夙緣，且曰：「如來滅後，住持法化，被於來世六萬歲者，此人之力。」尋爲之說法，而大迦葉即座成道，以其積修勝德，智慧高遠，故釋尊嘗曰：「我今所有大慈大悲，四禪三昧，無量功德，以自莊嚴，而迦葉比丘亦復如是。」一日，大梵天王以金色波羅華持獻釋尊，釋尊拈華示衆，衆皆未悟，獨大迦葉破顏微笑。釋尊謂之曰：「吾有正法眼藏，涅槃妙心，實相無相，微妙法門，今付於汝。」復授金縷袈裟，命之轉付彌勒。及釋尊雙林示寂，迦葉方在耆闍崛山，而涅槃會中，釋尊嘗告諸比丘曰：「我今所有無上正法，悉已付囑摩訶迦葉，是迦葉者，當爲汝等作大依止。」又曰：「迦葉來

時，可令宣揚正法眼藏。」爾時迦葉覩佛滅時光明變異，即入三昧，以淨天眼觀見之，乃謂衆曰：「佛涅槃矣。」即與其徒趨拘尸城，既至雙林之間，悲戀號泣，佛於金棺內現雙足，以慰其哀慕。

〔第一次之遺教結集〕 佛既入滅，諸聖弟子，得無學道者，亦多隨佛而般涅槃，諸學人等，嘿然不樂。時有癡比丘須跋陀羅摩訶羅言：「大沙門在時，是淨是不淨，是應作是不應作，我等恒爲所困，今者得自在，可適我等意，欲作而作，不作而止。」大迦葉聞而憂之，乃告諸比丘言：「佛已荼毗，金剛舍利非我等事，我等宜當結集法藏，無令斷絕。」迦葉便遣諸比丘分赴四方召集諸聖弟子，更以神力往須彌山頂，搥銅撻椎，說此偈言：「佛諸弟子，若念於佛，當報佛恩，莫入涅槃。」於是諸聖弟子聞聲來集，迦葉告言：「佛法欲滅，衆生可愍，待結集竟，隨汝入滅。」諸來聖衆皆受教住，時爲摩伽陀國阿闍世王即位之第八年。王自悔過歸佛後，常爲有力之外護，聖衆既欲結集法藏，念唯往依王，可得衆事具足，不復乞食他行，以免外道問難，廢闕法事。於佛滅半月後，大迦葉遂與阿菴樓陀分率聖衆五百人赴王舍城，爾時十八大寺均以佛滅而一時頽毀，諸比丘衣笥諸物縱橫棄散而去，迦葉乃請阿闍世王相助修治，一月而畢，復請王於王舍城北倍訶羅山（Vaihara）之七葉窟（Saptaparna-gaha）特

建一新精舍，以供結集之用。既成，大迦葉遂率聖衆五百人往居之，由王日設飯食，當是年夏安之始，初十五日說戒時，集和合僧，大迦葉入禪定，以天眼觀察聖衆，見餘人均盡諸漏，唯有阿難一人未盡，乃於衆中手牽阿難出，言：「今清淨衆中結集經藏，汝結未盡，不應住此。」是時阿難慚恥悲泣，白大迦葉言：「我能有力，久可得道，但諸佛法，阿羅漢者不得供給左右使令，我以侍佛，故留殘結不盡斷耳。」大迦葉言：「斷汝漏盡，然後來入，殘結未盡，汝勿來也。」語竟，便自閉門，其夜阿難坐禪經行，殷勤求道，後夜欲過，疲極偃息，頭未至枕，廓然得悟，如是入金剛定，破一切煩惱，得三明六通，作大力阿羅漢，即夜扣門以告迦葉。迦葉曰：「若然，汝可從門簷孔中來。阿難即以神力騰身而入，禮拜僧足，復其本坐，於是五百聖衆，共集遺教。先推持律第一之優波離登高座，誦出釋尊一代所說之毗奈耶（律），乃由大衆合誦，審定不謬。繼推多聞第一之阿難登高座，誦出釋尊一代所說之曇磨（法），亦由大衆合誦，審定不謬。既畢，迦葉復入願智三昧，觀其所集，果無謬者。是時阿難告大衆言：「佛將入滅時曾告我，大衆若欲棄小小戒，可隨意棄。」大衆即問何小小戒，阿難曰：「我亦不聞於佛語。」諸比丘於是或謂除四波羅夷皆小小戒，或謂除四波羅夷乃至四波胝提舍尼耶，餘皆小小戒，異說紛紛，莫衷

一是。迦葉乃曰：「世人既知釋子沙門所當護持之戒矣，今若棄小小戒，人不將謂沙門瞿曇所設戒法以師逝而與煙俱消，爲免此譏，佛所未制，今不別制，佛所已制，不可少改。」衆然其說。於時富婁那方引比丘五百人行乞南山，聞迦葉結集，來至其處，大衆告言：「曇磨毗奈耶結集已了，宜共許此。」富婁那曰：「諸德結集佛法自是，然我從佛得聞之法，亦當受持。」迦葉乃更對此比丘等如上結集。斯時聖衆，合爲千人，此第一次之結集，凡七月而畢事。第當時所謂結集者，並非纂集成書，僅合誦暗記而已，故其內容今不能詳，北傳說有三藏，南傳說唯二藏，其他異說尚多，莫可究詰。（參閱本刊第五十期演壇。）茲唯就南傳所記一述其內容，更略附以考較如後。

（甲）戒律（律藏 Vinaya-Pitaka）

（一）大別解脫戒（波羅提木叉 Pratimoksa）

（子）不共住（波羅夷 Parajika）——四戒

（丑）僧殘（僧伽婆尸沙 Samghavasesa）——十三戒

（寅）不定（阿尼耶多 Aniyata）——二戒

（卯）捨墮（尼薩耆波逸提 Naisargika-papattikah）——三十戒

（辰）墮（波逸提 Papattikah）——九十戒^{或云九十二戒。}

（巳）說罪（提舍尼 Desana）——四戒

（午）衆學（Sata-saiksa）——七十五戒^{或云百戒。}

- (未) 滅諍 (Adhikarana-samatha) —— 七戒
- (二) 比丘尼別解脱戒 (比丘尼波羅提木叉)
- (子) 不共住 (波羅夷) —— 八戒
- (丑) 僧殘 (僧伽尸婆沙) —— 十七戒
- (寅) 捨墮 (尼薩耆波逸提) —— 三十戒
- (卯) 墮 (波逸提) —— 六十六戒^{或云百七十八戒。}
- (辰) 說罪 (波羅提提舍尼) —— 八戒
- (巳) 衆學 —— 七十五戒^{或云百戒。}
- (午) 滅諍法 —— 七戒^{或云除之。}

現存三藏中，於二波羅提木叉，別立二部：

- (1) 波羅夷
- (2) 波逸提
- (三) 雜事 (蹉陀 Khandaka)

或稱聚

或稱二十三蹉陀

現存三藏中，分二部如下：

- (子) 大品 (Mahavagga)
- (丑) 小品 (Cullavagga)
- (四) 三擯四羯磨 (波利婆羅 Parivara)

或稱附屬

(乙) 教法 (經藏 Sutra-Pitaka)

(一)《長阿含經》(Digha-agama)

或稱長部(Digha-nikaya)

此以《梵網經》(Rahma-jala-sutra)爲初，現存三十四經。

(二)《中阿含經》(Majjhima-agama)

或稱中部(Majjhima-nikaya)

現存《根本說經》(Mula-Pariyana-sutra)等百五十二經。

(三)《相應經》(僧述多 Samyutta)

或稱《雜阿含經》(Samyutta-nikaya)

或稱雜部(Samyutta-nikaya)

現存天雜(Deva-samyutta)等二千八百八十九經。

(四)《增一經》(鵝崛多羅 Anguttara)

或稱《增一阿含經》(Anguttara-gama)

或稱增一部(Anguttara-nikaya)

現存一集(Eka-Nipata)等二千二百九十二經。

(五)《雜經》(屈陀迦 Khuddaka)

或稱《小阿含經》(Khuddaka-agama)

或稱小部(Khuddaka-nikaya)

前四名四阿含，此一乃雜集四阿含外之教法，現存三藏中之雜經，含十五部如左：

(1)《小誦》(Khuddaka-patha)

- (2) 《法句》(Dhammapada)
- (3) 《無問自說》(偈陀那 Udana)
- (4) 《如是語》(伊諦佛多迦 Itivuttaka)
- (5) 《經集》(尼波多) (Sutta-nipata)
- (6) 《天宮事》(毗摩那) (Vimana-vatthu)
- (7) 《餓鬼事》(卑多) (Peta-vatthn)
- (8) 《長老偈》(涕羅伽陀 Thera-gatha)
- (9) 《長老尼偈》(涕利伽陀 Theri-gatha)
- (10) 《本生》(Jataka)
- (11) 《解釋》(尼涕婆 Niddesa)
- (12) 《無障礙道》(波致參毗陀) (Patisambhida-magga)
- (13) 《譬喻》(Apadana)
- (14) 《佛種姓經》(Buddhavamsa)
- (15) 《行藏》(用藏) (Cariya-pitaka)

今考之現存三藏，其律藏五部中（一波羅夷，二波逸提，三大品，四小品，五附屬），既多有後時增損之痕，而其經藏五阿含中，復多述佛滅以後之事，故說者謂此等經律亦均非第一結集之原產物，至彼謂現存三藏中之論藏亦出於第一結集者，則更不足信。茲且附舉現存論藏之目於後以備參考。

《論藏》(Abhidhamma-Pitaka)

- (一)《法聚論》(法僧伽Dhammasangani)
- (二)《分別論》(毗崩伽Vibhanga)
- (三)《說事論》(迦他跋倫Kathavatthu)
- (四)《人施設論》(逼伽羅逼那抵Puggalannatti)
- (五)《界說論》(陀兜迦他Dhatukatha)
- (六)《雙對論》(耶摩迦Yamaka)
- (七)《發趣論》(鉢又Patthana)

〔第一世祖大迦葉之人滅〕 結集既畢，迦葉自念衰老，當遵佛勅，思入定於鷄足山以待彌勒，乃召阿難言：「昔如來將般涅槃，預以正法眼付囑於我，我將隱矣，此復付汝，汝善傳持，無使斷絕。」乃說偈曰：「法法本來法，無法無非法，何於一法中，有法有不法。」阿難作禮奉命，迦葉乃凌虛遍禮如來諸塔，復往辭阿闍世王，適值王寢，遂杳然入鷄足山，席草而坐。自念今我被糞掃服，持僧伽黎，必經五十七俱胝六十百千歲，至於彌勒出世，終不致壞，乃語山曰：若阿闍世王及阿難來，汝當為開，去已復合。時阿闍世王夢屋梁折，覺已，知迦葉已入鷄足山，乃請阿難同往。山果為開，見迦葉入定儼然，王發聲哀哭，禮拜訖，欲以香薪茶毗，阿難曰：未可燔也。大迦葉方以禪定持身，俟慈氏下生，乃般涅槃。王聞驚歎，與阿難禮辭，山合如故。

• 〔第二世祖阿難之嗣法〕 釋尊從弟阿難，多聞第

一，初以侍佛未盡諸漏，佛滅始盡，當結集遺教時，承上座迦葉之命，陞座誦出曇磨，未發言間，以尊者相好如佛，致大眾疑佛重起焉。一日，問上座迦葉曰：「佛傳金縷袈裟外，別傳個甚麼？」迦葉即呼阿難，阿難應諾，迦葉曰：「倒却門前刹竿著。」迦葉滅後，阿難續弘正法，遊行宣化不息。

〔阿難尊者之人滅〕（按上期稿中，稱迦葉爲第一世祖，阿難爲第二世祖，此係根據付法藏傳及禪宗台宗所說，今著者考此說錯亂不足信，原已決定削去，不意上期排印時仍誤入之，特此更正。）阿難宣化既久，年已衰老，時去佛漸遠，正法亦多惑亂。阿難嘗至竹林中，聞比丘誦偈曰：「若人生百歲，不見水鵠鵲，不如生一日，得見水鵠鵲。」阿難因爲正之曰：「此非佛偈，佛云：若人生百歲，不解生滅法，不如生一日，得解生滅法。」又語之曰：「有二種人謗佛，何等爲二？一者，多聞不解義理，空無果報，彼不信而瞋恚，故謗。二者，顛倒解義，是名爲毒，彼雖信而不如法受持修多羅義，亦名謗佛。梭底、阿票多，此二人不能善受修多羅義，亦如是。」於是比丘以白其師，其師曰：「阿難已老，其念無力。」復說偈言：「若人老至，失其念力，智慧身力，一切皆老。」復語弟子：「依汝所誦，莫從彼語。」異日，阿難復經竹林，聞比丘誦偈如前，阿難詰知其故，深感愚癡難化，躬自爲說，

終不信受。乃入三昧，觀有餘人能爲說不，亦復無有能使改者，因自念言：若佛在世，我當白佛及舍利弗目犍連迦葉等，今佛等悉入涅槃，當向誰說？況復身已衰老，豈堪長久，我今但當隨入涅槃，以佛力故，法住千年。先是阿闍世王曾白阿難言：「如來迦葉尊勝二師，皆已涅槃，而我多故，悉不能覩，仁者般涅槃時，願垂告別。」阿難許之，至是，阿難乃詣王宮，告門者曰：「吾欲入涅槃，故來辭耳。」門者曰：「王寢，不可以聞。」阿難曰：「俟王覺時，當爲我說。」時王夢中見一寶蓋，七寶嚴飾，千萬億衆，圍繞瞻仰，俄而風雨暴至，吹折其柄，珍寶瓔珞，悉墜於地，心甚驚異。既寤，門者具白上事，王聞大慟，問何所在？答云已向毗舍離國，即嚴四兵，追至恒河，阿難乘船在河中流，跏趺而坐。王乃作禮哀懇莫般涅槃，時毗舍離王亦在河側，復申勸請。阿難乃說偈言：「二王善嚴住，勿爲苦悲戀，涅槃當我淨，而無諸有故。」是時阿難心念我若向一國而般涅槃，諸國爭競，無有是處，應以平等度諸有情，遂決於恒河中流入滅。將滅之頃，山河大地，六種震動。時雪山中有一仙人，名曰末田地迦（Madhyantika，或作末田地、摩田提），五通具足，覩茲瑞應，乃共五百弟子，飛空而至，禮足求度，阿難默然受請，心念我諸賢聖弟子今當來集。生是念時，五百羅漢自然從空而下，阿難即以神力化彼河水悉爲金地，令五

百羅漢爲諸仙人出家受具，彼仙人等，於第一羯磨得須陀洹果，於第二羯磨得斯陀含果，於第三羯磨得阿那含果，於第四羯磨得阿羅漢果。末田底迦乃白阿難言：「佛最後弟子須拔陀先佛涅槃，我今亦是和上最後弟子，不忍見和上涅槃，和上亦當聽我前人涅槃。」阿難語末田底迦言：「世尊付摩訶迦葉法藏人涅槃，摩訶迦葉付我人涅槃，我今欲涅槃，此法藏汝應受持，佛已懸記：「我人滅百年後，當有比丘名末田底迦，應持法藏在罽賓國。」是故汝應將法藏入彼國。」阿難以法付囑末田底迦竟，躡身虛空，現十八變，令諸檀越作喜樂心已，以智慧金剛破其身山，半與摩伽陀國，半與毗舍離國，於是二國各供養半身，因有二塔，一在王舍城，一在毗舍離。惟當時佛教，漸趨衰敗，相傳阿難滅後，諸比丘多廢諷誦。又十二年，優多羅比丘復滅，幸有優之弟子名善覺者，猶受誦增一阿含云。

〔優婆離尊者之傳持律藏〕 優婆離出於戍陀羅族，在四姓制度中，實居最賤，嘗爲釋迦族之理髮人。釋尊成道後，初還迦毗羅城時，釋迦族人多隨佛出家，而優婆離亦與。其初衆恥與爲禮，釋尊爲說平等勝義始已。在諸聖弟子中，優婆離實爲持律第一。迨釋尊涅槃後，大迦葉主持之第一結集，即由優婆離首登高座，誦出毗尼。後此律藏之中，多奉優婆離爲第一師。佛滅後三十年